



---

Broj: 01/1,02/1,03/11-05-1-150/13

Sarajevo, 25.4.2013.

## ČLANOVIMA USTAVNOPRAVNE KOMISIJE DOMA NARODA PARLAMENTARNE SKUPŠTINE BiH

Na osnovu člana 26. stav (2) Poslovnika Doma naroda Parlamentarne skupštine BiH („Službeni glasnik BiH”, br. 33/06, 41/06, 81/06, 91/06, 91/07 i 32/12), Ured sekretara Ustavnopravne komisije Doma naroda Parlamentarne skupštine Bosne i Hercegovine (u daljnjem tekstu: Ustavnopravna komisija), članovima Ustavnopravne komisije dostavlja

### **Informaciju sa sastanka s delegacijom Prve komore Visokog sudskog i tužilačkog vijeća Republike Turske**

Predsjedavajući Ustavnopravne komisije Doma naroda Krstan Simić, predsjedavajući Ustavnopravne komisije Predstavničkog doma Šefik Džaferović i ministar pravde BiH Bariša Čolak, 22. aprila 2013., u zgradi Parlamentarne skupštine BiH, održali su sastanak s delegacijom Prve komore Visokog sudskog i tužilačkog vijeća Republike Turske. Tursku delegaciju predvodio je Ibrahim Okur, predsjednik Prve komore, a u delegaciji su bili članovi Komore: Zeynep Nilgun Hacimahmtoglu, Ismail Aydin, Bulent Cicekli, Teoman Gokce i Ahmet Berberoglu, zamjenik generalnog sekretara VSTV-a Republike Turske Engin Durnagol i sudije: Idris Berber, Guven Elcim i Ercan Ozkan.

Sastanku su, također, prisustvovali Milorad Novković, predsjednik Visokog sudskog i tužilačkog vijeća BiH, Admir Suljagić, direktor Sekretarijata Visokog sudskog i tužilačkog vijeća BiH, Admir Katica, zamjenik šefa Kabineta Predsjedništva Visokog sudskog i tužilačkog vijeća BiH, Zijad Hasić, sekretar Ustavnopravne komisije Doma naroda, i Sonja Abdulovski, stručna saradnica u Ustavnopravnoj komisiji Doma naroda.

Sastanak je upriličen s ciljem razmjene iskustava i upoznavanja s praksom i rezultatima rada VSTV-a i pravosudnih institucija Republike Turske i Bosne i Hercegovine. Učesnici sastanka razgovarali su o reformama koje se provode u Bosni i Hercegovini i u Republici Turskoj, s ciljem izgradnje kvalitetnog, profesionalnog i nezavisnog pravosudnog sistema, te o ulozi VSTV-a u realizaciji reformi.

Predsjedavajući Ustavnopravne komisije Doma naroda Krstan Simić konstatirao je da su napadi na nezavisno pravosuđe često političke prirode. Ti napadi mogu se okarakterizirati kao pokušaji slabljenja borbe protiv korupcije, jer je pravosuđe u toj borbi jedan od osnovnih stubova. U podršci pravosuđu Parlamentarna skupština BiH treba da ima značajnu ulogu jer mora dati zakonodavni okvir za efikasniju borbu protiv korupcije i kriminala.

Predsjednik Prve komore Visokog sudskog i tužilačkog vijeća Republike Turske je prilikom prezentiranja rada, sastava, nadležnosti i uloge Prve komore naglasio da VSTV Republike Turske trenutno radi na restrukturiranju pravosudnog sistema. Iz tih razloga iskustva VSTV-a BiH u ovoj oblasti su veoma značajna i korisna .

Na sastanku je zaključeno da društva koja uspostave ravnotežu između zakonodavne, izvršne i sudske vlasti mogu na najbolji mogući način odgovoriti potrebama savremenog društva, te da i Bosna i Hercegovina i Turska trebaju težiti tim ciljevima, prvenstveno jer u skorije vrijeme žele postati punopravne članice Evropske unije.

Svi učesnici sastanka naglasili su značaj daljnje bilateralne i regionalne saradnje između Bosne i Hercegovine i Republike Turske u ovoj oblasti.

## **SEKRETAR USTAVNOPRAVNE KOMISIJE**

dr. Zijad Hasić

Dostaviti:

- naslovu
- a/a